



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Oratio simplex eulogiæ. xxviii.

urn:nbn:de:hbz:466:1-10722

De pane qui offerendus est. Cap. XXIX.

Panes quos deo in sacrificiū offertis, aut à vobismet- *Ex decr.*
 ipsis, aut à vestris pueris coram vobis nitidè ac stu- *Anitij pa*
 diose fiant, & diligenter obseruetur, vt panis, & vinum, & *pa, ca. 3.*
 aqua, sine quibus Missæ nequeunt celebrari, mundissimè
 atque studiosè tractentur, & nihil in eis vile, nihil nõ pro-
 batū inueniatur, iuxta illud quod ait scriptura: Sit timor
 domini vobiscum, & cum diligentia cuncta facite.

*De presbyteris qui corpus dominicum ad deferendum
 infirmis mulierculis tradunt. Cap. XXX.*

Pervenit ad notitiam nostram, quòd quidam presbyte- *Ex cõcil.*
 ri intantum paruipendant diuina mysteria, vt laico, *Remensi,*
 aut sceminae sacrum corpus domini tradant ad deferen- *cap. 2.*
 dum infirmis, & quibus prohibetur, ne sacrariū ingrediā-
 tur, nec ad altare appropinquent, illis sancta sanctorū cõ-
 mittuntur. Quòd quàm sit horribile, quàm detestabile om-
 nium religiosorum animaduertit prudentia. Igitur in-
 terdicat per omnia synodus, ne talis temeraria præsum-
 ptio ulterius fiat, sed omnimodis presbyter per semetip-
 sum infirmum communicet. Quòd si aliter fecerit, gradus
 sui periculo subiacebit.

Vt defunctis Eucharistia non detur. Cap. XXXI.

Item placuit, vt corporibus defunctorū Eucharistia nõ *Ex cõcil.*
 detur, Scriptū est enim: Accipite, & edite. Cadauera au- *Cartha-*
 tem, nec accipere possunt, nec edere: Et nec iam mortuos *gi. cap. 6.*
 homines baptizari faciat presbyterorum ignauia.

*Vt oblationes in maioribus festis ab omnibus æqua-
 nimiter fiant. Cap. XXXII.*

In synodo Matisicensi decretum est, vt in omnibus die- *Ex cõcil.*
 bus dominicis, aliisq; festiuitatibus oblatio ab omni- *Matisicē.*
 bus, qui ad Missam conuenerint, vtriusque sexus offeratur *cap. 50.*
 in Ecclesia, singuli singulas oblationes offerentes. Finita
 Missa à presbytero oblationes accipiant. Omnis autem qui
 hanc diffinitionem per inobedientiam euacuare præsum-
 pserit, anathemate percellatur.

*Quòd ministris altaris supra altare solis com-
 municare liceat. Cap. XXXIII.*

Solis autem ministris sacro ordini deditis ad altare ac- *Ex cõcil.*
 cedere, & communicare liceat. *Laodicē.*

Ex decr. eiusdem, cap. 10. Oblationē quoque & pacem in Ecclesia facere iugiter admoneatur populus Christianus: quia ipsa oblatio sibi & suis magnum remedium est animarum, & in ipsa pace vera vnanimitas & concordia demonstratur.

De diaconibus quod presbyteris communionem dare non debeant. Cap. XXVI.

Ex nice. concilio, cap. 18. Peruenit ad magnum, sanctūq; concilium, quod in quibusdam locis & ciuitatibus presbyteris gratiam communionis diaconi porrigant, quod nec regula, nec consuetudo tradidit, vt ab his qui potestatem non habent ostendi, illi qui offerunt Christi corpus accipiant. Necesse est & illud innotuit, quod quidam diaconi ante episcopos oblatio oblati contingant. Hęc igitur omnia rescētur, & sua diaconi mensura permaneant, scientes quod episcoporum quidem ministri sint, inferiores autem presbyteris debeantur. Per orbem ergo post presbyteros gratiam communionis accipiant, aut episcopo eis, aut presbytero porrigente. Sed nec sedere in medio presbyterorum & diaconis liceat: quia si hoc fiat, præter regulam & ordinem præbatur existere. Si quis autem etiam post has definitiones obedire noluerit, à ministerio cessare debet.

De eulogijs populo à presbyteris dandis. Cap. XXVII.

Ex decr. Pij pape, cap. 4. VT de oblationibus quæ offeruntur à populo, & consecrationi supersunt, vel de panibus quos offeruntur deiles ad Ecclesiam, vel certè de suis presbyter conuenienter partes incisas habeat in vase nitido, vt post Missam solennia, qui communicare non fuerunt parati, eulogia omni die dominico, & in diebus festis inde accipiant, illa, vnde eulogias presbyter daturus est, antè in hac forma benedicat.

Oratio simplex eulogia. Cap. XXVIII.

Domine sancte pater omnipotens æterne Deus, benedicere digneris hunc panem tua sancta & spiritali benedictione, vt sit omnibus salus mentis & corporis, contra omnes morbos & vniuersas inimicorū insidias, tamen, Per dominum nostrum Iesum Christum filiū tuum panem vitæ, qui de cælo descendit, & dat vitā & salutem mundo, & tecum viuit & regnat, Per, &c.